



UNIVERSITÄTS-
BIBLIOTHEK
PADERBORN

Universitätsbibliothek Paderborn

Epistolarvm Innocentii III. Romani Pontificis Libri Vndecim

Innozenz <III., Papst>

Parisiis, 1682

Ravennat. Archiepisc. & suffraganeis ejus.

urn:nbn:de:hbz:466:1-20006

RAVENNAT. ARCHIEPISC.
& suffraganeis ejus.

Epist. 27.
De Carfendino
Subdiacono Do-
mini Papæ Le-
gato in Exar-
chatu Raven-
& comitatu
Brittanorij di-
ligenter alli-
stant.

NUquam melius ecclesiasticæ con-
sultetur libertati, quàm ubi Eccle-
sia Rom. tam in temporalibus quàm spi-
ritualibus plenam obtinet potestatem.
Cum enim apostolica sedes mater sit
Ecclesiarum omnium & magistra, tan-
to fortius subje&os suæ temporali juris-
dictioni populos ab Ecclesiarum & ec-
clesiasticorum injuriis cohibet, quan-
to amplius in ejus injuriam & Ecclesia-
rum omnium præjudicium redundaret,
si Ecclesias in ejus patrimonio constitu-
tas non servaret in statu debitæ liberta-
tis. Cum igitur inter cetera quæ nos &
fratres nostros inducunt ut Exarchatum
Ravennæ, Marchiam, & Thusciam ad
dominium nostrum, ad quod pertinent,
revoceamus, secururam exinde immu-
nitatem Ecclesiarum vestrarum non mo-
dicum attendamus; vos negotium ipsum
tanquam speciale ac honori vestro plu-
rimum profuturum deberetis assumere,
& ad implendum nostræ beneplaci-
tum voluntatis efficaciter laborare. Cum
ergo dilecto filio Carfendino Subdiac.
nostro in Exarchatu Ravennæ & Co-
mitatu Brittanorij hujusmodi specialiter
injunxerimus legationis officium,
sperantes quòd ad illud utiliter adim-
plendum vestro non modicum studio ad-
juveretur, fraternitati vestræ per apost.
scripta mandamus, atque præcipimus,
quatenus ei taliter in his, quæ vobis ex
parte nostra proposuerit, adesse curetis,
ut honori apost. sedis & nostro deferre,
& Ecclesiarum vestrarum libertatem
videamini utiliter procurare; scituri
quòd sicut gratum habebimus & accep-
tum, si studium & diligentiam vestram
operis experientia in instanti articulo
commendarit, sic molestè feremus, si so-
licitudo vestra in hac necessitate reper-
ta fuerit defecisse.

REMEN. SANCTÆ SABINÆ
Cardin. & Senonen. Archiepiscopis,
& Episcopo Meldensi.

Epist. 28.
Super consolati-
one Comitissæ
Campaniæ
de morte filij
sui.

Compati patientibus, & dolentibus
pium est condolere; ut qui ex di-
versis rerum eventibus solam habent
dolendi materiam, in fraterna compas-
sione remedium consolationis inve-
niant, & saltem ex humanitatis solatio
valeant recreari, dum in eorum restau-

ratione, quæ doloris fomitem submini-
strant, spes nulla videtur eis penitus su-
peresse. Illis verò præcipue compassio-
nis oportet spiritum adhiberi, quæ pro
sexu muliebris fragilitate in adversis
facilius emergunt, & difficiles ad con-
solationem præ spiritus infirmitate re-
surgere, majori videntur in his & aliis
auxilio & consilio indigere. Cum igitur
dilecta in Christo filia nobilis mulier
M. Comitissa Campaniæ in morte filij
sui bonæ memoriæ Comitissæ Henrici do-
lorem, nec immeritò, cum interna spi-
ritus commotione conceperit, & vehe-
mentius affligatur, nos mentis afflictio-
ne non ficta compatientes eidem, cum
mortis hujus dispendium non solum in
ejus damnum converti debeat & dolo-
rem, verum etiam in multiplex totius
Christianitatis incommodum ex præ-
senti periculo imminente redundet, fra-
ternitati vestræ per ap. scripta manda-
mus, quatenus dolorem ipsius piæ con-
solationis verbis & commotionibus le-
nientes, ipsam & possessiones ejus, tan-
quam dati ei tutores à nobis, ab incurfu
molestantium auctoritate apostolica de-
fendatis, nullatenus permittentes ut in
his quæ ad dotem ejus noveritis pertine-
re, injuria seu violentia ei ab aliquo in-
feratur, sed possessionem ejusdem dotis
ipsi contra quoslibet temerarios præ-
sumptores pacificam conservetis. Si qui
verò jamdictæ Comitissæ aliquam super
his injuriam inferre præsumserint vel
gravamen, vos eos, si necesse fuerit, ut
à sua præsumptione desistant, per censu-
ram ecclesiasticam appellatione post-
posita compellatis. Quòd si omnes &c.
Datum Lateran. V. Kal. Martij, pont.
nostri anno I.

FERENTINATI EPISCOPO.

Sicut ex literis tuæ fraternitatis ac-
cepimus, cum L. parochianus tuus
P. mulierem se ducturum in conjugem
in manu patris ejusdem P. jurantis quòd
eam ipsi traderet in uxorem, proprio
juramento firmiter, nec per virum ste-
terit, sed per mulierem potius, quòd mi-
nùs matrimonialis inter eos solemnitas
sit secuta, quatuor postmodum vel quin-
que annis elapsis idem L. G. mulierem
per verba de præsentibus, ut ejus confan-
guinei asserunt, desponsavit: propter
quod frater prædictæ P. suam deposuit
in tua præsentia quæstionem. Quia verò

Epist. 29.
Consultatio
super causa ma-
trimonij inter
L. virum & P.
mulierem, quæ
primò jurave-
rat, & aliam
postmodum
desponsavit.
Cap. Sicut. De
sponsal. & ma-
trimoniis.